

卷之第

序

姓

卷之第

卷之第

姓

序



盛京通志序



聖天子御極以來武功震疊文
教肆訖幅輳式廓百度咸
熙職方輿地之書直省漸
次修舉而臣秉忠以叨
簡命作尹奉天乃奉

詔借鎮帥臣督輯通志事書成
將拜手獻之

闕廷謹颺言其端曰帝王以聖
德神功膺圖受籙必有王
氣特鍾之地締構鴻基而
後四表宅心大業式闢綿

寶曆於有永蓋皇天眷命
靈祇協應理固然矣

太祖以武功肇造

太宗文德覃敷

盛京實爲發祥重地

世祖統御萬方燕京定鼎遂爲畱

都

皇上神謨睿畧眷念根本之邦
畫疆設鎮分建州郡梯航
貢琛欵邊內附者億萬計
版圖所隸聲教所敷書契
以來未有加焉臣竊按

盛京古營州之域星躔箕尾
拱長白挾巫閭襟繞滄溟
跨馭大漠蓋居出震之方
扼天下形勝之首也稽之
昔乘未有專書若是乎地
靈獻瑞鉅典聿煌端以待

開天立極之

聖矣。逖觀往古，治化莫盛於周。之成康雅頌所傳，必推本古公文王岐豐之舊。凡山澤險易之宜，宮室苑囿之富，與夫里巷風謠，昆虫草木，莫不備悉。誠以王業所自，川嶽懷柔，已奠宗社磐石之基。而祖宗積功累仁，創制立法，皆裕千萬世子孫，从安長治之計。今

盛京固我

國家岐豐地也是志也列其
山川疆土則將遡高山荒
作之勤稽其建置經畫則
如述考卜燕貽之旨搜其
民風物產則擬進豳風七
月之章於以仰副

皇上觀光揚烈之深心則志而
治道具焉矣受事以來早
夜兢兢

國初典制之大請之部臣邊
圉諮之鎮帥內地則二三
有司分歷考究爲圖有九

爲志三十有二事舉其綱
詞規其質訂閱之餘仰見
列聖謨烈之顯赫昭融深懼固陋
不文不能頌揚萬一伏惟
石渠天祿珥筆之臣必有
潤色大業黼黻休明者從
茲旁搜博覽以期明備焉
將畱都名勝之盛與

祖德

宗功並昭垂於奕世斯固中外臣
庶所拭目欣瞻也夫

康熙二十三年歲在甲子

仲夏之朔奉天府府尹臣
董濂恩稽首頓首謹撰

序

國家何以有志哉志以紀
方土形勝人官物曲迄於
英賢文行上追選古下詔
來茲而已志成獻之於上
廼命詞臣哀集大書名曰

一統志則統志以天下言
通志以一省言不越戶庭
而周知海內者志爲之也
我

朝自建鼎以來戡定旣久
文命誕敷歷數十年而有億

萬年之圖三四傳而有千
百傳之緒追原厥故肇自

太祖闢土開疆繼以

太宗功德隆盛爰及

世祖正域四方今

天子宵旰圖治罔有暇逸以致

天學六合鸞風輪誠納貢者萬
國且共球矣其幅員之廣
潤物類之茂美人民之愛
戴政事之舒長高出前代
駕軼隆古太平之象不待
稽之載籍咸能通曉雖然

藏之

太府垂之奕世者志也

盛京爲根本重地

帝業之所由來日昌日熾通志

更不容已奉

命纂輯良已有年祇以舊籍靡

荆基之始以至
皇圖之大自畿內之制以及邊
險之防炳如耳考之天經
天經如其燦也察之地
宜地宜如其辨也徵之
庶類庶類如其蕃昌也
荷耨者農橫經者士畫疆
布位制度式昭推而至於
臣忠子孝友信嬖貞夏至
於方外遺踪避人遯世無
所不登則亦無所不著也
終之以率國之事則雲漢

爲昭江河作勢先與冊而
後高文如其彰彰也閱
斯編者可以攬

盛京之大槩矣越歲甲子春

王臣以量移

京闕卿貳之班不能待剗

之告竣而去然頌颺

發祥大業樂觀是書之成則實

昧昧其不能已也謹序

肯

康熙二十三年正月奉天

府府丞提督學政事臣邊

摩廷稽首頓首恭撰

東國通志卷之五十五

海國志

神機其不謂曰

琴新大業樂勝其善文以取實

玄奇然而去然

序 古風 草木之類 不

志何昉乎禹敷土奠山則

壤成賦爰作禹貢葩經採

列國之風詞加詳焉其義

一也後世風俗通食貨志

之屬皆襲其枝庶者耳然

則志也者一方之文獻也
史也卽所以爲治也取一
方之所具而縷析之山川
田賦有紀城郭宮室有紀
人物風俗有紀前言往蹟
以訖昆虫草木之微靡不

有紀士君子披卷而紬繹
焉體國經野之道統是矣
郡之志重乎邑省會之志
重乎郡地有廣狹事有煩
簡所關者大則所舉者尤
職其要也况創業垂統基

萬世無疆之休媿美邠岐
豐鎬者乎

盛京爲我

朝龍興地

太祖神武天錫攻無不取戰無不
克大業於焉托始

太宗乃聖乃文任賢敷教百度釐
修遐邇豫附已具撫有寰
區之槩

世祖定鼎燕都天庥滋至禹甸周
疆悉隸籍於職方氏要唯
弘

前聖遼左丕顯之緒也我

皇上宵旰圖幾禮明樂備追述

祖功

宗德纂修

大清一統志以昭來茲爰

勅奉天府尹先修

盛京通志以便彙輯爲諸省

弁冕粵稽往乘秦漢以來

遼地界在邊陲竹策寥寥

無足異者迨遼金建邦啓

土文治未光記載仍多闕

畧明改郡縣爲衛所雖舊

有遼東志兵燹之餘無復
蠹簡維時幅帙狹隘亦未
有如

今日同江愛渾諸地方數千
里之廣悉歸版圖者也稽
攻莫資撰述罔據是以珥

筆者恒深舛漏之虞我與

皇上灼其故申

命府尹會同奉天將軍寧古烏

喇等處凡從古輿圖所未

備者咸搜採弗遺訛於是

京兆臣董秉忠仰體

宸衷率二三守令夙夜敬勤以
勩厥事不期年而告竣猗
歟休哉誠千秋曠舉也臣
鼎彝承乏典學茲土校士
之暇爲取其畧而三復之
因思是役也非徒焜耀史
冊侈方輿之雄濶我
皇上蓋有尊

祖敬

宗勵精圖治之深意存焉志山川
疆域如誦天作高山庶無

忘

祖宗祥發之有自志城郭宮闕如

誦臯門應門庶無忘

祖宗締造之維艱念

祖宗分職亮采董正百司志官制

恍然周官立政之書也念

祖宗貽謀勤儉開國忠厚志風俗

恍然烹葵剥棗之什也重

農勸穡不溢惟正之供則

祖宗所其無逸之宥密可法也爲

之志田賦崇儒重道扶進

人文則

祖宗菁莪樸棫之雅化可式也爲

之志學校長白鴨綠挺秀
鍾英至

本朝而天地之靈蘊無復秘

藏從龍崛起一德一心則

祖宗知人善任之睿哲可師也爲
之志人物若夫前言往蹟

必錄昆虫草木必登則

祖宗寶善拜昌不貴異物之德固
有無在不存者繼自今

聖子神孫紹休御極咸知取

祖宗之所以治遼者治遼且將咸

知取

祖宗之所以治遼者治天下也不

亦常雷郵隆於歲次甲子

盛世乎昔韓起適魯見易象

春秋嘆曰吾乃今而知周

之德與周之所以王也後

之君子觀是編亦可以知

我

皇清之德之盛與我

皇清之所以帝也夫

豈

康熙二十三年歲次甲子

端陽前三日奉天府府丞

提督學政 臣張鼎彝稽首

頓首恭撰

序

粵稽古奠定之書莫備於禹貢
合九州之水壤方物約畧祇數
百言披閱瞭如指掌越商而周
陳謠采風川原草木無不盡載
則二南以迄十五國風更與禹
貢相爲繼續此誌乘之所由來

也代歷升降疆輿日擴風土日
遷而郡縣都會各有成帙惟是
昭代一統寰區聿崇文治太史問
俗方且外誌是亟

盛京爲我

國家發祥重地其孕秀者幾何地
靈其振興者幾何人瑞而

王化攸始闕焉不紀如尋山宗者
不識泰岱探河源者不睹崑崙
也誠不可以旦夕緩者雖然正
未易易也蒐羅乏名山之藏咨
詢無百年之老沿革損益又不
一其事苟恃臆見罔所憑藉遂
使賸者裨者訛者奪者傳聞而

失實者杳然並進其亦奚裨於
職方之萬一哉今

天子釐定一統憲典分採通志肯及

盛京

詔京兆

臣董

秉忠

會同帥

臣

詳加纂

輯於是檄取二三守令司其事
委小臣成專其責焉臣念自粵

西奔歸

闕下濫荷

特恩

簡守

盛京屬郡本以學識疎淺之士兼
當簿書冗瑣之餘惟不克勝任
是懼緣不敢辭乃哀集衆思悉

心考校文以闕疑而傳信庶郤
附會之嫌人以經從而論定或
辭濫觴之咎所慮者見聞不廣
藻績無奇不足以揚挖風徽播

宣

聖治爲兢兢則尚賴諸小臣力以副
京兆臣之委命耳然竊有謂焉

風詩始於二南以其被文王之
化者先也故溢乎情辭溫厚而
和平動乎物欲畱連而暢麗千
古頌王業之晉

盛京卽

昭代之二南也斯志之成豈第周
知地域廣輪之數丘陵原隰之

名已哉

興朝肇造之所自

祖德與

宗功實於斯志徵之矣故不揣固陋謹

署一言以效拜颺之思云

肯

康熙二十三年甲子歲五月既

望錦州府知府

臣

孫

成

稽

首

頓

首謹述

纂輯姓氏

總裁

鎮守奉天等處將軍

臣伊把漢

鎮守奉天等處副都統

臣穆泰

臣佟寶

奉天府府

臣尹董秉忠

監修

陞任奉天府府丞

臣邊聲廷

奉天府府丞

臣張鼎彝

協理

奉天府治中臣李師沆

陞任奉天府通判臣李元璫

奉天府經歷司經歷臣徐揚善

纂輯

佐臣哲備

筆帖臣唐武立

直隸錦州府知府臣孫成

陞任奉天府承德縣知縣臣章經

奉天府承德縣知縣臣曾大升

奉天府蓋平縣知縣臣駱雲

奉天府開原縣知縣臣周志煥

分輯

直隸錦州府通判臣朱夢熊

奉天府遼陽州知州臣李文龍

奉天府海城縣知縣臣鄭繡

奉天府鐵嶺縣知縣臣李廷榮

直隸錦州府寧遠州知州臣王琨

直隸錦州府錦縣知縣臣劉惠宗

直隸錦州府廣寧縣知縣臣項蕙

奉天府儒學訓導臣劉繩祖

校閱

奉天府儒學教授臣喬木

直隸錦州府儒學教授臣張楫

督梓

直隸錦州府經歷臣繆廷瓚

奉天府遼陽州儒學學正臣王元輔

直隸錦州府寧遠州儒學學正臣王言

盛京通志目錄

卷之第一

京城志

卷之第二

壇廟志

卷之第三

山陵志

卷之第四

宮殿志

卷之第五

金戶通志
苑圍志
各庄附

卷之第六

建置沿革志

卷之第七

星野志
祥異附

卷之第八

疆域志
形勝附

卷之第九

山川志

卷之第十

城池志

卷之第十一

關梁志
邊門船艦附

卷之第十二

驛站志
舖遞附

卷之第十三

公署志

卷之第十四

職官志

卷之第十五

學校志

卷之第十六

選舉志

卷之第十七

戶口志

卷之第十八

田賦志

稅課官庄八旗田畝附

卷之第十九

風俗志

卷之第二十

祠祀志

卷之第二十一

物產志

卷之第二十二

古蹟志

陵墓附

卷之第二十三

帝王志

后妃附

卷之第二十四

名宦志

卷之第二十五

人物志

卷之第二十六

孝義志

卷之第二十七

列女志

卷之第二十八

隱逸志

卷之第二十九

流寓志

卷之第三十

方伎志

卷之第三十一

仙釋志

卷之第三十二

藝文志

盛京通志

凡例

一奉

旨修纂志書部頒以河南通志爲例謹按

盛京爲發祥重地非他省可比今兼採明一統志
南京中都興都之例體有特尊也其先後增
減分合詳畧亦各有異同務期得當不敢苟
也

一各省通志皆修飾成書

盛京體從特創明一統志所載十未舉其一二遼

東舊志草本舛謬尤多

國朝肇興輿圖式廓較之往代數倍尤非舊籍可
悉故今歷歷考訂其難其慎

一前代史傳所紀山川道里率因遠地未經親
歷傳訛不少唯遼金二史以創業之地紀載
可憑今志中凡應考古者雖雜採諸史傳率
以遼金二史爲斷

一凡修纂通志必文獻兼資

盛京民多招徠且方言各別山川城堡今昔傳訛
更改之由鮮有故老能道之者今志中凡事

關

國朝典制皆咨請四部內務府歷查舊案往返再
三然後入志其他土地名物古今互異其有
可據者從古無可據者從今信則傳信疑則
傳疑不敢以俗說附會且以待博聞者詳考
也

一凡志首圖考志竊思圖以繪形志以紀事圖
可不淆於志也今爲圖有九爲志三十有二
圖列於先約其形勢志備於後究其詳悉但
山川廣衍志中之圖限於尺幅不能盡載故

止舉其大者

一河南志圖考之後首建置沿革今

盛京與河南不同按明一統志他省皆先建置沿革唯北京南京中都興都則首京城次壇廟次山陵次苑囿次文武公署而後建置沿革繼之體別於他省也今志倣焉但宮殿爲建極垂裳之地明一統志所未及今增於苑囿之先文武公署爲臣子治事之所不必先於建置沿革今改於後與職官並列

一河南建置沿革有表所以便稽考也然河南州縣鱗次疆界去前代亦不甚殊故便於分屬今

盛京州縣所治之外鎮帥城守所轄者多且古今疆域分合大小不一立表恐反拘而多誤故今不立表而敘次沿革則加詳焉

一星野河南八郡占十宿故有圖以分郡邑今盛京與京師統於箕尾二星若郡邑分度之說古今異同無可爲據故存其槩云

一他省疆域州郡相接且四隅廣狹相去不遠盛京負山環海東西南北廣狹迥殊且州縣所治

與城守所轄互有不同故今分載州縣城守所轄各詳其八至庶區畛較然也

一山川今志所載較明一統志增十之七然亦有一二一統志所有而今無者則古今名稱之異也另列以備稽考餘悉照新查載入

一關梁志中之大者不必附於山川至於邊門與戰艦運艘之設皆我

國家創典有足傳者然皆關梁類也故附入之一驛站他志或不載今

盛京內達京師外通屬國幅幘旣廣道里宜詳故特立一志而鋪述附焉

一公署他志止載其方隅職官他志只載其員數今則公署之倉庫場局皆備職官之沿革增減必載事關大典皆

聖祖開創遠謨所宜詳也

一他志以文廟入祠廟然孔子萬世師表

國家重道崇儒體宜獨尊今特詳於學校見非他祀典可並也

一戶口田賦他志皆詳前代今

奉天郡縣之設分合大小與古迥殊故前代之數

不載若稅課亦屬正供官庄八旗田畝關乎積貯故附於田賦之後

一他志風俗在城池之先今居職官學校戶口田賦之後者開創之地體國經野之餘而後有風俗也祠廟亦關大典而居風俗後者先民而後神之義也

一物產他志皆分各郡所出

盛京擅山海之饒物產繁富不可以郡縣分今區其種類詳其名狀併載其方言凡見聞所及鉅細畢書

一他志寺觀多入古蹟而陵墓宮室反多另列今

盛京寺觀多新制不得入於古蹟故統於祠廟至於陵墓宮室本屬前代基址或無可稽卽

國朝勲舊遺塋其人已往亦成陳迹矣今統入於古蹟

一志紀地靈因及人傑今帝王名宦人物孝義列女隱逸仙釋方伎悉照河南例列後

國朝宗藩勲戚將相名臣竹帛莫罄然天潢名書玉牒勲爵績在旂常自當求之

天府未敢稽於聞問也唯節孝本出輿論鄉評已蒙
旌表故先入志其名宦人物及節義之臣統俟
題請彙刻

一小序體從簡要凡例舉其大槩各志中未盡
之意皆附一二緒論以相發明

盛京通志

圖

書以記事圖以象形洪濛旣闢圖書斯著故龍
馬出而九疇陳未有不先圖而後書也

盛京

京城圖一

大政殿圖一

宮殿圖一

輿地全圖一


奉天府形勢圖一

錦州府形勢圖一


烏喇 寧古塔形勢圖一

長白山圖一

北鎮圖一




盛京城圖




大政殿圖

北門城一百六



南門城一百三

三宮闕圖



東至海四千三百餘里東海界

北至邊二百六十六



南至海七百三十三

十餘里邊界



十餘里海界

西至山海關八百餘里山海關界

盛京通志圖

五



餘里威遠堡邊界

北至邊二百六十六

西至山海關八百餘里山海關界

東至興京邊二百八十餘里烏喇界

奉天府形勢圖




三百三十餘里海界

南至金州沿海七

西至寧遠州土衛衛山二百九十里山海關界

邊門一百四十四里邊界



界海一十三

北至廣寧縣義州清河

東至廣寧縣蛤蜊河二百四十里遼陽州界
錦州府形勢圖



南至海三

西至開原威遠堡五百九十餘里奉天府界

界邊里餘百六



界鮮朝里餘百三

邊哈忒法至北




千一山白長至南

烏喇寧古塔形勢圖

東至東海三千餘里海界



長白山圖



盛京府志圖

乙

醫巫閭山圖



廣寧縣志

圖京城尊

神臯也圖

宮殿表

建極也圖輿地昭疆界也奉錦二府及烏喇寧古塔

形勢分圖之以待辨也圖長白志

發祥也圖北鎮定封表也

盛京通志卷之第一

京城志

京師者天下之本陪京者帝業之基也周公營
洛而王居在鎬有居重馭輕之權焉光武東都
而長安置京兆有強幹弱枝之勢焉

國家肇基遼海京闕之規模已具

世祖定鼎於燕尊

盛京以明大業所自始近奉

山陵遠翊畿輔鴻圖式固寶曆靈長有光於周漢矣作

京城志

盛京城池

天聰五年建本明瀋陽衛城地遼金曰瀋州元爲瀋陽路明洪武二十一年指揮閔忠因舊址修築週圍九里三十步高二丈五尺池二重內濶三丈深八尺週圍一十里三十步外濶三丈深八尺週圍一十一里有奇城門四我

太祖龍飛

興京天命三年取撫順遷界蕃城之至天命六年取遼陽於遼陽東城

東京而

宮殿建焉天命十年遷瀋陽天聰五年因舊城增拓其制內外甃石高三丈五尺濶一丈八尺女牆七尺五寸週圍九里三百三十二步四面堞口六百五十一敵樓八座角樓四座改舊門爲八東之大東門曰撫近小東門曰內治南之大南門曰德盛小南門曰天祐西之大西門曰懷遠小西門曰外攘北之大北門曰福勝小北門曰地載池濶十四丈五尺週圍十里二百四步鐘樓一在福勝門內大街鼓樓一在地載門內大街遂劄

天壇

太廟建

宮殿置內閣六部都察院理藩院等衙門尊

文廟修學宮設閱武場而

京闕之規模大備於是遂更名曰

盛京順治元年遷都

京師監往代留都之制續設將軍鎮守留四部置

府尹分蒞州縣康熙十九年奉

旨築關墻高七尺五寸週圍三十二里四十八步康

熙二十一年奉

旨重修諸門城樓雉堞巍峩規制宏麗環山海而控

要荒誠萬世帝業之基也

興京城

太祖高皇帝發祥之地在奉天東南一百七十里今按

其城週圍五里四門羣山拱護河水環滌佳氣

鬱鬱葱葱允上天所以開

至聖矣

東京城

在太子河東離遼陽八里天命六年建城週圍

六里零十步高三丈五尺東西廣二百八十丈

南北表二百六十二丈五尺城門八東門二二
曰撫近一曰內治西門二一曰懷遠一曰外攘
南門二一曰德盛一曰天祐北門二一曰福勝
一曰地載號曰東京天命十年遷瀋陽是爲
盛京遂於

東京設城守章京康熙二十一年城守移駐金州
志首京城重

建極也

盛京爲

壇

廟

宮殿所在故先於

興京至

東京雖 國初暫建然

聖祖始創之地舊以京名不得與郡縣城池並列故附
於京城之後

盛京通志卷之第二

壇廟志

帝王凝休永命道莫大於尊祖敬天我

太祖肇造丕基迨

太宗而饗

帝饗親之禮備紹庭陟降垂慶無疆猗歟盛哉
世祖定鼎以後祀典專舉於京師禮無瀆也在

盛京者必誌重創始也作壇廟志

天壇

在德盛門關外設

園丘週圍一百十丈南門三東西北門各一本朝初祀天之所

順治元年遷都京師大典專在京師舉行

太廟

在撫近門外大殿五間前殿三間大門三間大門傍東西角門二間大殿後房六間週圍廣三十五丈袤四十丈本朝初祀

列祖之所

順治元年遷都立

太廟於京師大典專在京師舉行

盛京通志卷之第三

山陵志

自古帝王肇興皆曰天授也抑地靈亦默贊焉

盛京襟山環海帝業攸與而鬱葱之氣則實萃於

三陵蓋靈祇所以啓佑我

國家也奠鴻圖於磐石衍本支於千億亦何假卜

世卜年哉作山陵志

永陵

山曰開運在奉天府城東二百五十里殿曰

啓運奉

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后神位順治十二年十八年先後立碑

福陵

山曰天柱在奉天府城東北二十里殿曰

隆恩奉

太祖高皇帝

高皇后神位

太妃在陵之右

昭陵

山曰隆業在奉天府城西北十里殿曰

隆恩奉

太宗文皇帝

文皇后神位

貴妃在陵之右

三陵各設總管及掌關防官八旗章京等員四季祀典
清明冬至各隨憲曆七月十五及歲暮爲定期
薦新各隨其時主祭官自順治元年至十七年
京師遣宗室以下覺羅阿達哈哈番以上或內大
臣或

盛京昂邦章京副都統侍郎協領等官主祭十七
年遣輔國公國則護國將軍宗室聶克色覺羅
阿達哈哈番趙班昂古特駐

盛京主祭康熙八年

京師又遣貝勒以下鎮國將軍覺羅阿思哈哈番
以上主祭康熙十八年始定奉天將軍及副都
統四部侍郎主祭
京師太常寺先期開列請

旨

盛京禮部遣讀祝官各一員贊禮官各二員隨祭
惟十月初一各總管主之

福

昭兩陵忌辰

兩陵總管主祭每年三月十八日恭遇
萬壽聖節總管設祭於

福

昭兩陵每月朔望俱掌關防官行禮奉天文武三品以

上官謁

陵凡三品以上文武官往來道經奉天俱謁

陵如制

盛京通志卷之第四

宮殿志

星官以太微爲天子廷將相執法左右十星環
焉

祖宗神聖嘗出而折衝翼贊皆天潢玉葉之英殆與周

召秉鉞毛畢前驅輝煌先後矣於是

大政高拱左右十署駢羅而

清寧之制則擬紫宮之特邃焉上符乾象作觀臣民

猗歟盛哉作宮殿志

盛京

宮殿

大政殿

崇德二年建在城之中殿制八隅左右列署凡十爲諸王議大政之所順治元年遷都

京師今奉天文武各官上

朝如制

大內宮闕

崇德二年建在殿之右南北袤八十五丈三尺東西廣三十二丈二尺其外大門曰

大清門門之東西有奏樂亭左闕門曰文德右闕門

曰武功其內爲

崇政殿殿之後爲

鳳凰樓樓之後爲

清寧宮其東爲

東宮西爲

西宮

大清門之東則今內務府治事之所

宮殿歲時修理皆內務府董其事康熙十一年奉旨會同工部重修

東京

宮殿

國初建在城內今管理驛站章京守護
白虎殿在千山今存基址

盛京通志卷之第五

苑囿志 各庄附

雅歌靈囿風美騶虞聖世飛潛動植咸沐禁籞
春風固非極遊觀之娛者已

盛京山海奧區百物蕃阜

國家祇因山澤自然之利為祭祀燕享之供初不
煩土木以勞民焉仁儉之風昭茲來許何必侈
談昆明上林哉作苑囿志

御花園

在城西北五里

國初建順治十三年改為長寧寺

禮部所司園池

遼陽州梨園一羊臘峪梨園一三塊石梨園
一邢鎮撫屯梨園一安平栗子園一石橋子
花紅園一磬勝堡花紅園一城南養魚池一
墩子泊一城西蓮花泊一城東養猪圈一城
南黑牛圈一以上園池牧地皆

盛京禮部司之以供
國家祀典

內務府所司諸園

遼河以東菓園九十處
盛京內務府司之
遼河以西菓園七十五處
京師內務府司之
歲時取以進

御

右按遼地擅山海之饒

聖祖締造以來悉與軍民共之園池牧地取供祭享初

無別館層臺之設焉

儉德仁風萬年

帝業實基之矣

各庄

古者寓兵於農有事則荷戈無事則力耕以奉上自井田廢而兵農分者勢也我

國家締造伊始遼河左右編戶悉隸戎行

聖祖不忍以惟正之供復煩爪牙之士於是有各庄之設皆內務府司之而八旗子弟餘力足以闢草萊卽分土課耕不復取其錙銖之賦於以恤行間飽軍實廣膏腴厚積儲

鴻謨惠澤度越前古矣今紀其畧附苑囿之後云
田庄一百六十九處

遼河東西共八十一處

盛京內務府司之
遼河以西共八十九處

鹽庄三處

靛庄十一處

棉花庄四十六處

以上俱盛京內務府司之

盛京通志卷之第六

建置沿革

禹貢敷土分州周官體國經野古今沿革互殊
要因時規其制焉遼地自遼金襲渤海五京之
制而形勢分明省郡縣為衛所而邊隅狹

國家幅幘不廓獨重

留都以壯

京師之勢畫州郡以奠民居相中外而分鉅鎮

聖謨宏遠允垂拱於萬年矣作建置沿革志

盛京

盛京禹貢冀青二州之域舜分冀東北爲幽州卽
今遼河以西之地青東北爲營州卽今遼河以
東之地商周爲肅慎氏地箕子避地朝鮮武王
卽其地封之遂爲朝鮮界戰國則遼河左右屬
燕秦以幽州爲遼西郡營州爲遼東郡武帝拓
朝鮮地置郡四曰樂浪元菟眞番臨屯後改爲
遼西遼東元菟樂浪四郡東漢因之復置屬國
都尉漢末公孫度取之分遼東爲遼西中遼郡
東方諸國多附焉魏克公孫氏置校尉居襄平
分遼東昌黎元菟帶方樂浪五郡爲平州後還
合爲幽州晉唯改遼東爲國四郡隸平州如故
尋爲慕容氏所據歸後魏仍爲遼東郡隋初高
句麗據之唐太宗平高麗置都督府九州四十
二縣百又置安東都護以統之開元初封大氏
爲渤海國渤海置五京十五府六十二州而遼
地始盛然自漢以來版圖所隸大抵皆今奉錦
二郡所治之域未及混同江以東也遼金二祖
創業定鼎闢地始廣而郡邑沿革亦多遼金皆
襲渤海各置五京其三皆今

盛京所屬之地遼以今開原西北邊外臨潢爲上

京今廣寧西北邊外爲中京今遼陽爲東京又東界混同江爲賓州寧江長春等州之地金以混同江以東爲上京江以西爲咸平路遼之東京不改而易中京爲北京自海陵遷都於燕而金之上京廢世宗雖復之而規模非舊矣元初仍存東京尋改爲遼陽等處行中書省統路有七遼河以西曰大寧路廣寧路河以東曰東寧路遼陽路瀋陽路開元路開元以東爲合蘭府水達達等路軍民萬戶府五而混同江南北之民分治焉明改遼東都指揮使司領衛二十五復置安樂自在二州此外雖有一百八十四衛二十所之設然非封域之內也大抵秦漢迄唐遼西之屬邑多遼金以後遼東之闢地廣元則南兼高麗北通大漠明始以山海之內隸之燕京而開原以東遂分疆圍固不獨郡縣廢而幅幘亦殊矣我

太祖肇基

興京初有葉赫輝發烏喇寧古塔諸地遂由界蕃薩兒虎撫順而築新城於遼陽天命十年相險宅中以瀋陽爲王氣所聚遂增修其城爲

盛京

太宗底定全遼而

宮闕之制備

世祖統御六合

京師定鼎以

盛京爲

留都其地西接

畿輔北臨大漠東南瀕海順治元年悉裁諸衛設
昂邦章京副都統總治之順治十年以遼陽爲
府置遼陽海城二縣寧古塔設昂邦章京副都

統諸員十四年除遼陽府名以瀋陽爲奉天府
置府尹康熙元年奉天昂邦章京改鎮守奉天
等處將軍寧古塔昂邦章京改寧古塔將軍三
年錦州改爲錦縣廣寧改爲廣寧府設廣寧縣
寧遠州四年裁廣寧府設錦州府移駐錦縣是
年奉天府又添設承德縣及蓋平開原鐵嶺四
縣遼陽改爲遼陽州自是西抵山海關東抵開
原奉天將軍統之西接開原威遠堡東抵海濱
寧古塔將軍統之編戶之民府治所及計府二
州二縣七

興京

周肅慎地

秦

同

漢

挹婁地

東漢

同

晉

高麗地

隋

唐初置

燕州後為渤海大氏所據改屬定理府

遼

屬瀋州

金

同

明

建州衛地

皇清為

太祖發祥之地尊為

興京設城守章京治之兼設總管掌關防官以奉

永陵

奉天府

禹貢青州之域舜分青東北為營州商周為肅慎氏地武王封箕子於朝鮮今府治東南為朝

鮮界秦以營州為遼東郡漢置遼西遼東樂浪

元菟四郡今府治為挹婁國東北皆屬挹婁北

為扶餘南近海為沃沮國而遼東樂浪元菟三

郡則多今府治之東南及朝鮮界內地也三國

魏置郡隸平州晉改遼東郡為國仍隸平州如

故後魏仍為遼東郡隋初為高句麗所據唐平

高麗置都督府九以安東都護統之渤海大氏

保東牟山自固即今府治之東山也先天中封

渤海郡王其後僭置五京十五府六十二州即

今府治建定瀋二州屬定理府遼置瀋州昭德

軍統樂郊靈源二縣而隸於東京金改顯德軍
統樂郊章義遼濱挹樓雙城五縣隸東京如故
元改瀋陽路屬遼陽等處行中書省遂省諸縣
明以今遼陽置遼東都指揮使司統衛二十五
州二今府治為瀋陽中衛地統蒲河撫順二千
戶所我

太祖應天順人天命十年自遼陽遷瀋陽陞為

盛京順治十年以遼東為遼陽府設遼陽海城二
縣十四年裁遼陽府設奉天府以府尹治之康
熙四年增置承德蓋平開原鐵嶺四縣遼陽改

為州計領州一縣五而錦州府州縣皆隸焉

奉天府屬州縣

承德縣

周肅慎秦同漢邑婁晉同唐睿宗時屬渤海大

理遼初置與遠軍後改為昭金改顯德軍統樂

樓雙城元初為瀋州後改瀋明置瀋陽衛領蒲

五縣所隸遼東都

皇清建都尊為

盛京順治十四年設奉天府康熙三年設承德縣
為

畿內首邑

遼陽州

周武王封箕子於朝鮮秦屬遼東郡漢置遼東郡領

十八縣東漢改遼陽縣魏屬遼東郡晉改遼東郡為國

平隋為高句麗地唐平高麗置遼州屬安東郡遼即遼

城建東平郡號南京後改為東京領遼陽府轄遼陽仙鄉等九縣

四元改遼陽等處行中書省轄七路一府十二縣

明置遼東都指揮使司領衛二十五州二都司

中中左二千戶所左右前後四千戶所

皇清順治十年設遼陽府轄遼陽海城二縣十四年

裁府康熙四年改遼陽縣為遼陽州屬於奉天

府

海城縣

周屬朝鮮本古秦同漢平朝鮮以其地屬元菟

東漢置都尉仍以魏屬平晉屬高句麗隋屬高句麗

唐李勣平高麗得其城改置蓋州統之渤海大

遼置海州南海軍統臨溟一縣耀嬪二州隸於東京

京元省州縣屬明改海州衛隸遼東都司

皇清順治十年改海城縣隸遼陽府十四年改隸奉

天府

遼東通志 沿革 卷之六 七

蓋平縣

周屬朝鮮本秦燕人衛漢屬元魏屬平晉初因

屬高麗隋屬高麗為唐平高麗改為蓋州屬安東

韓得遼改辰州奉國軍設金改蓋州奉國軍領

岳四縣復州懷遠軍領永元初置蓋州路後明

改設蓋州復州二衛隸遼東都司

皇清康熙三年改設蓋平縣隸奉天府

開原縣

周肅慎秦同漢屬扶晉同隋同唐渤海大氏取

扶餘遼屬龍州黃龍府遼太祖征渤海金屬隆

涉軍金太祖渡混同江攻黃龍不元初年設開

假舟而濟故名隸上京會寧府元元南京二

萬戶府治黃龍府至元二十三年改明設三萬

皇清康熙三年設開原縣隸奉天府

鐵嶺縣

周肅慎秦同漢挹婁晉同隋越喜唐渤海大氏

改富州屬遼改銀州富國軍領延金改新興縣

懷遠府遼津新興永平三縣金隸咸平府

元省縣仍隸明改鐵嶺衛古有鐵嶺城在衛治

皇清康熙三年改設鐵嶺縣隸奉天府

錦州府

禹貢冀州之域舜分冀東北為幽州錦州其所
統地也夏因之商為孤竹國周屬燕秦以幽州
為遼西郡漢為無慮望平縣地屬遼東郡幽州
刺史領之晉慕容氏置西樂郡唐置柳城縣屬
營州遼置錦州臨海軍領永樂安昌二縣隸中
京大定府金因之兼領神水一縣元省軍縣名
止稱錦州隸大寧路明置廣寧中左右三衛及
松山大凌河二千戶所

皇清康熙三年改置錦縣改廣寧為府設廣寧縣寧

遠州四年裁廣寧府設錦州府移駐錦縣計領

州一縣二

錦州府屬州縣

錦縣

周燕國秦屬遼西郡漢無慮縣地晉慕容氏置唐柳

縣地屬遼永樂縣地金同元錦州屬明縣城內設廣

營州衛城東南七十里設右屯衛

皇清康熙三年改設錦縣隸廣寧府四年改屬錦州

府為附郭縣

寧遠州

商孤竹周屬燕秦屬遼漢海陽縣地東漢因晉

慕容皝置唐柳城縣地遼隰州平海軍海金陽

集寧縣唐改瑞州地屬明初本廣寧前屯中屯

海濱二縣元瑞州地屬明二衛地宣德三年分

地屬瑞州元大寧路明初本廣寧前屯中屯

皇清康熙二年改為州東割塔山所地入錦縣西併

前屯衛地盡入州三年隸廣寧府四年改屬錦

州府

廣寧縣

周初為朝鮮秦屬遼漢東南為無慮望平二縣

遼東漢因之後晉皆隸隋屬高唐平高麗置巫

西遼東漢屬烏桓晉平州隋麗唐周守尉都護

府遼東南為顯州奉先軍領奉先山東歸義三

義二縣金置廣寧府領縣四曰廣寧望平開陽

屬中京元置廣寧府路領間陽望平明洪武二十

昌義同元二縣義州因之屬大寧路明三年置廣

寧衛盡廢州縣二十五年封建遼王改廣寧中

護衛次年復改廣寧衛統中左右三衛義州改

義州衛及廣寧後屯衛

皇清康熙三年設廣寧府尋以錦州為府改廣寧為

縣隸焉義州初以賜察哈喇王十四年察哈喇

叛討平之十五年設巡檢司治之仍屬於廣寧

縣

城守章京所轄

盛京通志 沿革 卷之六

鳳凰城

周朝鮮界秦同漢屬元東漢因晉隋屬高麗

州唐平高麗屬安東都護後渤海遼改開州鎮

地唐大氏據之為東京龍原府遼國軍統開

遠一縣鹽穆賀金為石城縣元屬東明為鳳凰

三州屬東京元寧路明城堡設

守兵鎮

皇清天聰八年設官兵通遠堡崇德二年移此鎮守

金州

周朝鮮界本秦同漢屬元晉初因之後屬隋屬

麗唐平高麗初置金州統遼改復州化成縣金

改蘇州安復軍元初屬蓋州路後明洪武四年

來蘇懷化二縣併入遼陽路

皇清初隸海城縣康熙三年設蓋平縣遂改隸蓋平

康熙二十年歸旗今隸城守章京

寧古塔將軍所轄

烏喇 寧古塔

周肅慎漢邑婁晉同隋同唐初置燕州後置黑

混同江之西置遼於混同江北置長春州隸上

上京龍泉府置寧江州混金於長白山之北建上

隸黃龍府置遼陽府京會寧府統會寧曲

同縣隸東京遼陽府江左右置肇州統始興縣

江宜春三縣於混同江左右置肇州統始興縣

隆州統利涉縣信州統武昌縣東為呼里改路

西為恤品路南近高麗為合元置合蘭府水達

懶路北近邊界為蒲與路元達路軍民萬戶

遼東通志 沿革 卷之六 二

府五日桃温曰呼里改曰幹朶憐曰脫明初設
幹憐曰李苦江分領混同江南北之民都司
領衛一百八十四所二十後皆屬
本朝

皇清順治十年設寧古塔昂邦章京康熙元年改鎮
守寧古塔等處將軍十五年移鎮烏喇之船廠
城寧古塔畱副都統守之康熙二十二年於黑
龍江愛渾地築城設將軍一員副都統二員鎮
守

盛京通志卷之第七

星野

祥異附

星野之學詳於甘石迨漢晉而官度廣狹各私
所見災祥之說亦紛焉遼海星分箕尾

國家締造以來鴻圖式廓躔次未殊往籍可考也
若夫史家五行所紀固將稽庶徵以端皇極焉
可無志歟作星野志

爾雅

幽州爲析木之次

春秋元命苞

箕尾散爲幽州分爲燕國

史記天官書

尾箕幽州

晉書天文志

班固取三統歷十二次配十二野其言最詳自尾十度至南斗十一度爲析木於辰在寅燕之分野屬幽州費直說周易起尾九度蔡邕月令章句起尾四度陳卓言郡國所入宿度以涼州入箕中十度上谷入尾一度漁陽入尾二度古北平入尾七度西河上郡北地遼西東入尾十度涿郡入尾十六度渤海入箕一度樂浪入箕二度元菟入箕六度廣陽入箕九度

唐書天文志

星紀得雲漢下流百川歸焉析木爲雲漢末派山河極焉故其分野自南河下流窮南紀之曲東南負海爲星紀自北河末派窮北紀之曲東北負海爲析木析木以負北海其神主於恒山辰星位焉尾箕析木津也初尾七度餘二千七百五十杪二十一少中箕五度終南斗八度自渤海九河之北得漢河間涿郡廣陽及上谷漁陽右北平遼西遼

東樂浪元菟古北燕孤竹無終東方諸國尾得雲
漢之末派龜魚麗焉當九河之下流濱於渤海皆
北紀之所窮也箕與南斗相近爲遼水之陽盡朝
鮮三韓之地

祥異

漢

建元六年春二月遼東高廟災

董仲舒曰高廟不當居遼東於禮亦不當立
其見災也固宜

元封中星孛於河戌

其後漢兵擊拔朝鮮以爲樂浪元菟郡

元鳳五年四月燭星見奎婁間

占曰有土功後築遼東元菟城

三國

魏明帝景初二年八月大流星墜襄平城東南
長數十丈白色有芒從首山東北墜城東南
九月司馬懿破公孫淵。公孫淵據遼東時
有犬冠幘絳衣上屋炊有小兒蒸死甑中襄
平北市生肉長圓各數尺有眼目口喙無手
足而動搖

晉

太康元年遼東馬生角

在兩耳下長三寸後王室毒於兵禍

太元十八年二月客星在尾中至九月乃滅

占曰燕有兵喪二十年慕容垂伐魏爲所破

唐

貞觀十八年五月太白辰星合於東井

占曰有兵謀十九年六月丙辰太宗征高麗

次安市城

遼

天顯元年正月己未白彗貫日

庚申拔扶餘城

天顯元年七月甲戌大星隕黃龍見

太祖次扶餘府是日大星隕於幄前辛巳平

旦子城上見黃龍繚繞長一里許光耀奪目

入於行宮有紫黑氣蔽天踰日乃散後因以

扶餘爲黃龍府

統和九年八月東京甘露降壬午東京進三足

鳥

太平五年魚兒灤有聲如雷

其水一夕越沙岡四十里別爲一陂

道宗時有五色雲氣屢出東方

大若二千石困倉之狀司天孔致和竊謂人曰其下當生異人後爲金太祖受命之祥

金

收國元年正月寧江州火光正圓自空而墜

太祖伐遼次寧江州見之曰此天助也遂大敗遼兵

天會二年七月錦州野蠶成繭

九月廣寧府獻嘉禾

十年四月鴨綠江混同江暴漲

天會十三年四月甘露降熊岳縣

十五年七月京師地震

時京師乃今寧古塔地

天眷元年七月丁酉按出濳河溢

壞廬舍民多溺死

二年八月丁丑太白晝見

皇統元年十一月上京稽古殿火

二年七月廣寧府蝗

七年正月丁亥太白經天七月己巳太白經天

八年十一月壬辰太白經天

九年四月壬辰雷震寢殿

大風雨雷電震寢殿鴟尾有火入殿燒幃幔

天德二年十一月丙戌白虹貫日

十二月乙卯慶雲見

四年正月癸卯太白經天五月丁巳太白經天
六年黃龍見東京

世宗在遼陽方寢有紅光照其室及黃龍見
於屋上夜有大流星入其鴟八月復有雲氣
自西來黃龍見其中是時臨潢府聞空中車
馬聲仰視見風雲杳靄神鬼兵甲蔽天自北
而南未幾詔南下

貞元元年十二月太白經天閏月癸巳太白經
天

正隆六年十月丙午慶雲見東京
是爲金世宗受命之祥

元

至元二年四月遼東饑

十八年遼東懿州蓋州大水廣寧旱

二十四年九月東京威遠婆娑等處大水

二十六年四月遼東饑

二十九年閏六月遼陽瀋州廣寧開元路雨雹
三十一年十月遼陽路大水

元貞元年七月遼東大水

二年十二月遼東開元二路旱

大德元年十一月遼陽打鴈孛蘭奚戶那懷妻
和里迷一產四男

五年七月遼陽大寧二路大水

七年六月遼陽大寧開元等路大雨水

壞田廬男女死者一百十有九人

延祐三年四月遼陽蓋州饑

四年四月遼陽蓋州雨水害稼

六年六月遼陽廣寧瀋陽開原等路大水

泰定三年十一月瀋陽大寧廣寧等路饑

三年十二月遼陽大寧路瑞州大水

壞民田五千五百頃廬舍八百九十所溺死
者一百五十人

四年正月遼陽諸郡饑

天曆三年七月開原路雨雹

二年七月大寧遼陽等郡獻蝗

明

天順元年春開原蓮花生

城南門外池中忽生莖開黃蓮花一朵大如盤鮮妍可愛

三月五日戊寅無雲而晦西南風聲如雷

屋瓦皆飛揚沙拔木西關火起延燒居民房室及東北古廟松榆數百殆盡廟貌依然人咸異之

弘治三年春三月開原火化爲鴉

火墜城中俄化鴉百餘沿城旋遶次日災人畜死者甚衆

十七年開原五色雲見

正德元年春三月開原大風

屋瓦皆飛晝晦如夜

秋七月遼陽大水

平地深丈餘

嘉靖二年夏四月大風

連日不止損禾苗大半

已卯至壬午大雨

河水泛漲衝沒田禾男女漂溺共一百四十名口牛馬等畜四百五十有餘傾倒城垣公

儲民舍甚多是歲免田租之半

四年春正月一日黃霧四塞

夏五月遼陽地震者三

秋七月錦州雨雹

有物如龍橫空帶去庄房廟宇三百餘間林木無算

冬遼陽金州復州大雪

溪丈餘人畜凍死者甚衆

六年春開原空中有火大如車輪

三月壬午客星入月

四月辛酉天鼓鳴

丙寅雨五龍見於北

辛未夜天鼓鳴星明如晝

六月河西蝗飛蔽天損害禾稼

七月蝻生

平地深數尺

九年夏五月河西大雨雹

傷人畜甚衆禾盡損

十二年河西大旱蝗飛蔽天

十四年大雨連月

自四月至六月不止河水泛漲平地深丈餘
是年大饑

十五年秋七月大風雨雹

損禾大半

十六年夏大水

開原寧遠等處壞廬舍人畜溺死禾稼淹沒
舊志止此以後失記

皇清

順治七年大水

渾河太子河俱溢廬舍有漂溺者

順治十一年十一月大雪

溪盈丈雉兔皆避入人家

康熙二年四月二十二日奉天府大風

旋風一道過處屋瓦皆飛房舍傾倒

康熙十八年七月地震

康熙十九年大有年

康熙二十年大有年

盛京通志卷之第八

疆域志

形勝附

古帝王畫郊圻以固封守腹心內地疆理必嚴
矧根本之邦即係邊防之重者乎

盛京西接畿輔東南濱海北控大漠而遼河左右
奉錦二郡攸分是天造之險以界全遼矣綢繆
疆圉屏翰

神京苞桑之謀或在形勝之外蒞斯土者何可忘歟
作疆域志

盛京疆域

東至海四千三百餘里東海界

西至山海關八百餘里山海關界

南至海七百三十餘里海界

北至邊二百六十餘里邊界

東南至希喀塔山二千餘里朝鮮界

西南至海八百餘里海界

東北至飛牙喀四千餘里東海界

西北至九官臺邊門四百五十餘里蒙古界

以上東西廣五千一百餘里南北袤一千餘里而東南東北其袤數倍於西

奉天將軍所轄疆域

東至興京邊二百八十餘里烏喇界

西至山海關八百餘里山海關界

南至金州沿海七百三十餘里海界

北至邊二百六十餘里邊界

東南至鎮江城五百四十餘里朝鮮界

東北至開原威遠堡二百三十餘里烏喇界

西南至海八百餘里海界

西北至九官臺邊門四百五十餘里蒙古界

寧古塔將軍所轄疆域

東至東海三千餘里海界

西至開原威遠堡五百九十餘里奉天府界

南至長白山一千三百餘里朝鮮界

北至法忒哈邊六百餘里邊界

東南至希喀塔山二千三百餘里海界

東北至飛牙喀三千餘里海界

西南至英額邊門七百餘里奉天府界

西北至黑兒蘇邊四百五十餘里邊界

自寧古塔至

盛京一千二百五十餘里自烏喇至

盛京八百二十餘里

奉天府府治疆域

東至撫順八十餘里外爲奉天將軍所轄

西至寧遠州土衝衝山七百八十里山海關界

南至蓋平縣樂古關六百餘里金州界

北至開原縣西北邊二百六十餘里邊界

東南至遼陽州浪子山一百八十里鳳凰城界

東北至開原縣威遠堡二百三十餘里邊界

西南至寧遠州官牆七百九十餘里山海關界

西北至義州大寧堡四百五十餘里邊界

按奉錦二郡旗民雜處編戶則守令治之八
旗則城守轄之其大較也然守令所治之外
有屬本城城守轄者有屬他城城守轄者又
有不隸城守總屬奉天將軍轄者彼此疆域
廣狹參差不同故以將軍所統府治所及總
記於前復以州縣城守分界詳列於後

承德縣

東至撫順八十里

自撫順至甲榜山二十里皆奉天將軍所轄甲榜以東為

典京界

西至遼河一百里

廣寧縣界

南至十里河六十里

遼陽州界

北至懿路站七十里

鐵嶺縣界

東南至大堡八

十五里

遼陽州界

西南至新臺子七十五里

遼陽州界

東

北至黑林子八十里

自黑林子至橫頭河村二十里皆奉天將軍所轄此

外為典京界

西北至十方寺九十里

鐵嶺縣界

遼陽州

東至官馬山七十五里

此外鳳凰城

西至煙狼

寨五十里

此外牛庄

南至黑峪八十里

海城縣界

北

至楊家灣六十里

外係奉天將軍所轄

東南至浪子山站

六十里

此外鳳凰城

西南至鞍山驛六十里

此外

牛庄城

東北至十里河六十里

係承德縣

西北

至船城六十里

外係奉天將軍所轄

北至

盛京城一百二十里

海城縣

東至牛心山九十里

鳳凰城界

西至三汊河六十里

廣寧縣界

南至耀州六十里

蓋平縣界

北至鞍山驛六十

里

遼陽州界 東南至白土嶺六十里

蓋平縣界

西南至大

孤山八十里

蓋平縣界

東北至龍降洲八十里

遼陽州界

西北至接官堡六十五里

遼陽州界

北至

盛京城二百四十里

蓋平縣

東至榜式堡六十里

自榜式堡東至秀巖河二百四十里俱係蓋平城守

專轄秀巖以東係鳳凰城界

西至連雲島十五里

海界

南至樂

古城二百四十里

金州界

北至淤泥河五十五里

海城縣界

東南至雞冠山二百里

金州界

西南至鹽場

堡二百五十里

金州界

東北至白土嶺八十里

海城

縣界 西北至小孤山六十里

海城縣界

北至

盛京城三百六十里

開原縣

東至耿家庄七十里邊西至遼河六十里外為城守

專轄地南至山頭鋪河五十里鐵嶺縣界北至新邊三

里邊東南至馬家寨六十五里鐵嶺縣界西南至遼

河六十五里外為城守專轄地東北至新邊門三十里

邊西北至遼河六十里邊

西南至

盛京城二百里

鐵嶺縣

東至老古洞一百二十里外為開原城守專轄西至刁蹕

山七十里廣寧縣界南至懿路站六十里承德縣界北至

山頭鋪二十里開原縣界東南至瓢酪屯五十里外

奉天將軍所轄西南至小河口六十里承德廣寧二縣接界東北

至紅草石三十里外係開原城守專轄

南至

盛京城一百三十里

錦州府府治疆域

東至廣寧縣蛤蜊河二百四十里遼陽州界

西至寧遠州土衛衙山二百九十里山海關界

南至海三十里海

北至廣寧縣義州清河邊門一百四十里邊

東南至廣寧縣三汊河三百五十里海城縣界

東北至廣寧縣楊檉木河三百八十里開原城守界

西南至寧遠州官牆三百里山海關界

西北至寧遠州筆架山一百六十里邊界

東至

盛京城四百九十里

錦縣

東至頭臺子一百五里廣寧縣界西至岡家屯九十

里邊界南至海三十里海界北至齊家堡四十五里

義州界東南至白馬溝八十里廣寧縣界西南至老和

尚臺九十里寧遠州界東北至大寧堡九十里廣寧縣界

西北至松嶺門九十里邊界

東至

盛京城四百九十里

寧遠州

東至邴家屯十五里錦縣界西至土衛衛山一百

九十里山海關界南至海防五城十里海界北至寨兒

山三十五里錦縣界東南至釣魚臺十五里海界西

南至官牆一百九十里山海衛界東北至雙樹舖十

八里錦縣界西北至筆架山五十里邊界

東北至錦州府一百十里東北至

盛京城六百里

廣寧縣

東至蛤蜊河八十里

遼陽州界

西至義州邊一百五

十里

邊門界

南至杜家臺九十里

海界

北至羅家臺

七十里

邊界

東南至三汊河一百九十里

海城縣界

西

南至閭陽驛五十里

錦縣界

東北至楊檉木河二

百二十里

開原城守界

西北至大寧堡七十里

錦縣界

西至錦州府一百六十里東至

盛京城三百三十里

興京城守所轄

東至納土門三十五里

寧古塔將軍界

西至馬哈丹城

一百九十里

外為奉天將軍所轄

南至蘭河峪一百八十

里

鳳凰城界

北至撒克禪一百十里

開原城守界

東南至

李家河十五里

鳳凰城守界

東北至英額一百五十

里

寧古塔將軍界

西南至清河城一百六十餘里

鳳凰城

守界

西北至窪瑚木一百三十里

開原城守界

西北至

盛京城二百五十里

鳳凰城城守所轄

東至靉江二百二十里朝鮮界西至秀巖河二百

里蓋平城守界南至海二百里海界北至一堵墻三百

二十里典京城守界東南至鎮江一百二十里朝鮮界

東北至孤山二百五里典京城守界西南至歸服堡

四百五里金州城守界西北至平州三百里牛庄城守界

西北至

盛京城五百十里

蓋平城守所轄

東至秀巖河三百里鳳凰城守界西至海十五里海界

南至樂古城二百四十里金州城守界北至海州沙

河一百二十里牛庄城守界東南至雞冠山二百里

金州城守界東北至析木城一百二十里牛庄城守界西

南至鹽場堡城二百五十里金州城守界西北至沙

河入三汊河處一百三十里牛庄城守界

北至

盛京城三百六十里

金州城守所轄

東至城子山八十里海界西至麻洋島四十里海界

南至紅土崖十二里海界北至樂古城一百二十

里蓋平城守界東南至海青島五十里海界東北至秀

疆域

巖城三百六十里鳳凰城西南至鐵山一百五十里海界西北至鹽場堡城一百七十餘里蓋平城守

北至

盛京城七百二十里

開原城守所轄

東至耿家庄七十里邊界西至彰武臺二百二十

里廣寧城守界南至范河一百里外為奉天將軍所轄北至邊

三里邊界東南至英額二百十里興京城守界東北至

威遠堡新邊門三十里邊界西南至遼濱塔一百

九十里承德縣界西北至邊五里邊界

西南至

盛京城二百里

錦州府城守所轄

東至劉三廠九十里廣寧城守界西至柵子嶺一百

四十里山海關城守界南至湯家臺五十里海界北至齊

家堡四十五里義州城守界東南至蔡河溝一百里

廣寧城守界東北至四方臺八十里廣寧城守界西南至

寧遠州女兒河一百一十一里山海關城守界西北至松

嶺子九十里蒙古界

東至

盛京城五百里

廣寧城守所轄

東至遼河一百九十里奉天將軍所轄西至醫巫閭山

十五里義州城守界南至海一百十里海界北至白土

廠五十里蒙古界東南至鐵場堡一百五十里牛庄

城守界東北至遼河二百三十里開原城守界西南至

三臺子六十五里錦州城守界西北至魏家嶺四十

八里義州城守界

東北至

盛京城三百三十里

義州城守所轄

東至醫巫閭山五十里廣寧城守界西至劉龍臺六

十餘里邊界南至齊家堡四十五里錦州城守界北至

邊二十里蒙古界東南至乾柴嶺七十里錦州城守界

東北至魏家嶺九十里廣寧城守界西南至松嶺子

一百四十里蒙古界西北至九官臺三十里蒙古界

東至

盛京城四百二十里

牛庄城守所轄

東至蘭磐二百里鳳凰城西至鐵場堡六十里

廣寧城南至海州沙河十里蓋平城北至太子

河十里外係奉天將軍所轄東南至秀巖河二百七十里

鳳凰城東北至安平河一百七十里外係奉天將軍所轄

西南至海一百里海西北至平陽堡九十里廣寧

城守

東北至

盛京城二百四十里

山海關城守所轄

東至寧遠州二百里錦州城西係關內南至海

十里海北至平川營八十六里蒙古東南至大

河口二百十里錦州城東北至柵子嶺二百四

十四里錦州城西南係關內西北係關內

東北至

盛京城八百里

烏喇所轄

東至俄莫賀索落站二百八十里寧古塔西至威

遠堡邊五百九十五里奉天府南至長白山一千

三百餘里其南朝鮮北至法忒哈邊六百餘里蒙古

界東南至土門江七百里朝鮮東北至阿

爾楚哈屯九百二十餘里

蒙古界

西南至英額邊

六百九十五里

奉天府界

西北至黑兒蘇邊四百三

十餘里

蒙古界

西南至

盛京城八百二十餘里

寧古塔所轄

東至東海三千餘里

海界

西至俄莫賀索落站二

百五十里

烏喇界

南至土門江六百里

朝鮮界

北至

混同江六百里

蒙古界

東南至希喀塔山一千五

百七十里

海界

東北至飛牙喀三千餘里

海界

西南

至勒福陳河五百里

烏喇界

西北至阿爾楚哈屯

七百餘里

蒙古界

西至

盛京城一千三百五十餘里

形勝

盛京

滄海朝宗白山拱峙
渾河遼水遶帶西南黑水
混同襟環東北控制諸邦
跨馭六合允

帝業之根本洵畱守之雄都

興京

層巒疊拱衆水環縈
扼諸城之樞據三關之險
發祥勝地鴻業攸基

奉天府

遼東根本之地依山負海其險足恃

金史地實要

衝東北一都會元志

承德縣附郭

遼陽州

披山帶河沃野之地州志

海城縣

羣山拱繞遼海濼流南區要害縣志

蓋平縣

西南渤海環之東北羣山屏列為留都巖邑縣志

開原縣

跨龍岡臨大漠邊徼咽喉之路縣志

鐵嶺縣

遼水西環虎洞東峙縣志

錦州府

枕山而襟海西則股肱長安東則咽喉豐沛內

屏甸服外控要荒郡志

錦縣附郭

寧遠州

山海要衝邊關鎖鑰州志

廣寧縣

負間山憑渤海踞勝青營扼衝中外縣志



卷9-卷16

鳳凰城

龍原故京白崖峻隘外控鴨綠內屏畱都

金州

俯滄溟環巨島扼青海之咽喉壯陪京之南徼

烏喇 寧古塔

南枕長白北浸龍江允邊鎮之雄區壯

帝鄉之外圍



